



Arkivnr: 2015/11453-55

Saksbehandlar: Adeline Berntsen Landro

Saksframlegg**Saksgang**

Utval	Saknr.	Møtedato
Hordaland fagskulestyre		18.11.2016

Tilbod ved Hordaland helsefagskole skuleåret 17/18**Samandrag**

Dei gode resultata ein ser etter informasjons- og marknadsføringstiltaka og start av færre tilbod bør vidareførast. «Psykisk helsearbeid og rusarbeid» er det mest populære og etterspurde tilboden på skulen, og skulen ønsker difor å tilby denne utdanninga hausten 2017. Tilboden «Rehabilitering» er også eit etterspurt tilbod i kommunane, og målgruppa for studiet er breddt samansett. Tilboden «Spesialreinhald og steriforsyning» er etterspurt ved Haukeland universitetssjukehus, og dette tilboden har starta opp annakvart år etter at det vart godkjent av NOKUT. Tilboden vart ikkje starta opp hausten 2016, og skulen ønsker difor å starta opp tilboden hausten 2017. Tilboden «Helse, aldring og aktiv omsorg» vart ikkje starta opp hausten 2016 av di det ikkje var nok kvalifiserte søkerar, likevel var det svært mange søkerar til dette tilboden og skulen ønsker difor å tilby denne utdanninga i tillegg. På bakgrunn av dette vert det føreslått å legge ut dei fire omtala tilboda til søking gjennom Vigo våren 2017. Styret tek endeleg avgjerd om start av tilboda i mai 2017.

Forslag til vedtak

1. Hordaland helsefagskole kan lysa ut følgjande tilbod for skuleåret 2017/18:
 - Psykisk helsearbeid og rusarbeid
 - Rehabilitering
 - Spesialreinhald og steriforsyning
 - Helse, aldring og aktiv omsorg
 -
2. Hordaland helsefagskole søker om tilskot til dei fire helsefagskuletilboda gjennom eigen tilskotsordning under Helsedirektoratet.
3. Styret handsamar ny sak om opprettning av tilbod ved helsefagskulen i mai 2017.

Svein Leidulf Heggeheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor ingen underskrift.

Fylkesrådmannen, 24.10.2016

Hordaland helsefagskole hadde ute tre tilbod til søking våren 2016; «Rehabilitering», «Helse, aldring og aktiv omsorg» og «Psykisk helsearbeid og rusarbeid». Bakgrunnen for dette var vedtak i styret om å berre lysa ut nokre av fagskulen sine tilbod for å konsentrere søkerane om færre tilbod. I tillegg har det vore arbeidd mykje med å informera om tilboda både i ein skilde kommunar, til fagforeiningar og i sosiale media. Det har også vore gitt informasjon på yrkesmesser og ved rådgjevarsamlingar i regi av fylkeskommunen. Tiltaka har gjeve gevinstar, og det vart starta opp tilbod med fulle klassar innan «Rehabilitering» (16 studentar) og «Psykisk helsearbeid og rusarbeid» (22 studentar) hausten 2016. Tilboden «Helse, aldring og aktiv omsorg» fekk ikkje nok kvalifiserte søkerar til ein full klasse, men nokre av søkerane til dette tilboden takka ja til tilbod på «Rehabilitering» i staden.

Dei gode resultata ein ser etter informasjons- og marknadsføringstiltaka og start av færre tilbod bør vidareførast. «Psykisk helsearbeid og rusarbeid» er det mest populære og etterspurde tilboden på skulen, og skulen ønskjer difor å tilby denne utdanninga hausten 2017. Tilboden «Rehabilitering» er også eit etterspurt tilbod i kommunane, og målgruppa for studiet er bredd samansett. Tilboden «Spesialreinhald og sterilforsyning» er etterspurt ved Haukeland universitetssjukehus, og dette tilboden har starta opp annakvart år etter at det vart godkjent av NOKUT. Tilboden vart ikkje starta opp hausten 2016, og skulen ønskjer difor å starta opp tilboden hausten 2017. «Spesialreinhald og sterilforsyning» er også ettertrakta i andre fylke, og klassen som er på andre studieår no har 6 studentar som følger tilboden på nett frå andre fylke saman med 18 studentar frå Hordaland. Tilboden «Helse, aldring og aktiv omsorg» vart ikkje starta opp hausten 2016 av di det ikkje var nok kvalifiserte søkerar, likevel var det svært mange søkerar til dette tilboden og skulen ønskjer difor å tilby denne utdanninga i tillegg. På bakgrunn av dette vert det føreslått å leggje ut dei fire omtala tilboda til søking gjennom Vigo våren 2017.

Hordaland helsefagskole må søkje fylkeskommunane om tilskot til dei nemnte tilboda i tråd med eiga finansieringsordning gjennom Helsedirektoratet. Skulen søker til Hordaland fylkeskommune for studentar som er busett i Hordaland, og til andre fylkeskommunar for studentar busett i andre fylke. Søknadsfrist er 01. mars i Hordaland. På bakgrunn av dette vil styret gjere endeleg vedtak i kva tilbod som vert opprettet i mai 2017. Vedtaket vert gjort etter at ein veit kor mange søkerar det er til utdanningane, og etter at ein veit kor mange studentar det vert gjeve støtte til frå fylkeskommunane.